

Candidatus Abbreviatus Jurisprudentiae Sacrae, Hoc Est, Juris Canonici, Secundum Gregorii Papae IX. Libros V. Decretalium Explanati Summa, Seu Compendium

Pichler, Vitus

Augustae Vindel., 1733

Prolegomena.

urn:nbn:de:hbz:466:1-63440



PROLEGO-MENA.

SUMMARIUM.

- I. Jus varie accipitur.
- 2. Quid sit Jus Naturale. An sit immutabile.
- 3. Quid & quotuplex sit Jus Positivum.
- 4. Quid & quotuplex Jus Divinum.
- 5. Quid Jus Gentium proprie & improprie di-
- 6. Quid & quotuplex sit Jus Civile, quibus libris comprehensum, & quomodo allegetur. Aliqued datur etiam extra Corpus Juris.
- 7. Quid Jus Canonicum, ejus finis, & objectum.
- 8. Quibus libris comprehendatur, & quomodo ci-
- 9. Quam habeat authoritatem Desretum Gra-
- 10. Quam reliqua 5. volumina in Corpore Juris Canonici contenta. Ubi etiam de Rubrica.

Pars I.

A

II. Quam

12. Declarationes Cardinalium:

13.14.15. Regula Cancellaria: Decisiones Rota: & Bullarium Magnum.

16. Quando Jus Canonicum sit observandam in

utroque Foro.

17. Jus Canonicum subinde suppletur à Jure Civili, & vicissim Jus Civile à Canonico.

Missis aliis Juris acceptiobus notatu digniores sunt 1. quando jus sumitur pro potestate aliquid agendi aut omittendi, vel alterum obligandi ad aliquid dandum, faciendum, vel omittendum, voca-

túrque jus activum, cui respondens ex parte alterius obligatio dandi, faciendi, vel omittendi aliquid, appellatur jus passivum, vel debitum. Si autem illa potestas alios obligandi ad aliquam actionem vel omissionem principaliter respicit bonum & utilitatem obligantis, nominatur jus proprietatis, ac aliud est jus in re, seu reale, quando nempe res ipsa alicui est devincta seu obligata, parítque actionem realem, vi cujus rem talem tanquam suam potest coram Judice persequi, & vindicare à quocunque illius possessore vel detentore: aliud verò jus ad rem, seu personale, quando nimirum non ipsa res immediate alicui est devincta, sed persona, sive ex contractu vel quasi contractu, sive ex delicto vel quasi-delicto,

nci-

200

in

Ci-

)-

I.

C-

it-

di

Π-

2-

e-

1-

Si

n

it

15

1-

H

paritque actionem personalem, seu condictionem, id est, jus cogendi personam in Judicio, ut satis-Siquis habeat tale jus in re seu reale proprietatis, quod ordinariè per traditionem aut apprehensionem actualem acquiritur, non per contractum vel conventionem, ut possit libere disponere de re, utendo, destruendo, alienando, ita ut per neminem propter jus, quod habet in tali re, impediri â libera dispositione possit, nuncupatur dominium plenum: si verò disponere valeat de re non perfecte, sed solum vel de substantia & proprietate, uti dominus directus in re feudali aut emphytevtica, vel solum de fructibus & utilitate illius, utì feudatarius aut emphytevta, vel alius quoque in eadem re jus habet, propter quod liberè de illa disponere nequeat, dicitur dominium imperfectum, seu non-plenum, uti feudum, emphytevsis, fidei commissum, aut jura realia, uti servitutes, & possessio effective sumpta, seu pro jure, quod oritur ex rei detentione, vocaturque possessio furis.

2. Sumitur Jus pro Jurisprudentia, seu Juris, nempe Canonum & Legum, scientia, quam Ulpianus l. 1. sf. de I. & I. vocat artem aqui & boni, Imperator verò, nempe Justinianus, J. 1. Inst. eod, appellat Divinarum atque Humanarum rerum notitiam, justi atque injusti scientiam. ex quò textu

apparet præstantia Jurisprudentiæ.

3. Et huic loco propriissime accipitur Jus pro Regula Justi, seu pro Canone vel Lege. Et in hoc sensu Jus dividitur in Naturale & Positivum: issud verò in Divinum & Humanum: hoc verò in Jus Gentium, Civile, & Canonicum.

A 2

Dico

2 Dico 1. Jus Naturale recte dicitur effe voluntas DEI necessariò obligantis, intimata per lumen rationis, à DEO ut authore Natura omnibus Sicut enim promulgatio Legis Humanæ non est tota lex, ita & lumen rationis, per quod nobis innotescit voluntas DEI obligantis, non est totum Jus Naturale, sed solum una cum DEI voluntate partialiter illud constituit. Definitum paulò antè sus Naturale est propriè & abfolute tale, quia præcipit illa, quæ funt intrinfece bona & essentialiter, uti sunt colere & amare DEUM, obedire eidem præcipienti &c. atque ideo necessariò facienda: ac econtra prohibet intrinsecè & effentialiter mala, uti sunt blasphemare vel odisse DEUM, peierare, mentiri &c. atque ideo necessario omittenda. Atque hoc jus Naturale absolutum est immutabile, ita ut nec DEUS in ea dispensare valeat, cum effentias rerum mutare non possit, nec ex essentialiter honesto facere inhonestum, aut ex essentialiter vel intrinsecè inhonesto facere honestum vel bonum. Dixi, absolutum; nam aliud Jus Naturale est conditionatum, seu sub certis conditionibus tantum obligans, vel in certis tantum circumstantiis; quod contingit, quando materia Juris Naturalis dependet à dominio vel potestare DEI, aut Magistratûs humani, vel etiam hominis privati, obligationem, quæ alias effet Juris Naturalis, libere remittentis, vel licentiam dantis: sic occisio innocentis tantum est prohibita Jure Naturali conditionato, nisi nempe DEUS, in cujus dominio pleno est vita hominum, dederit potestatem occîdendi innocentem: fic rem alienam, postVO-

lua

bus

na-

ber

is,

ım

efi-

aba

ecè

ire

ue

in-

17-

at-

IIS

ec

re-

0-

rel

117.

111-

III

54

lis [a-

li-

rè

11-

11-

io

Cm

1-

quam præscripseris, licitè retines, quia Jus Naturale retentionem tantum prohibet sub conditione, nisi Magistratus, in cujus dominio alto sunt res subditorum, per leges suas ex justa causa transferat dominium rerum ab uno in alium : fic licitè non folvis, quod alteri promisisti, vel ex contra-Etu debes, si promissarius vel creditor sponte tibi remittat; quia Jus Naturale folum fub hac conditione te adstringit, nisi alter, in cujus potestate hoc est, tibi obligationem remiserit: sic, quia obligatio juramenti vel voti tantum est Juris Naturalis ac Divini sub conditione, nisi Superior Ecclesiasticus in lege humana, quam quis sibi per juramentum vel votum posuit, tollat hanc legem humanam, in quam Superior potestatem obtinet, per dispensationem; hac enim lege sublata, cui innititur obligatio Naturalis & Divina juramenti vel voti, consecutivè cessat obligatio juramenti vel voti. Atque hoc Jus Naturale conditionatum dici potest mutabile, nimirum mutatione impropriâ & indirectâ, eò quòd per mutatas circumstantias, vel certas conditiones positas, mutetur materia vel objectum Juris Naturalis: consequenter nec Jus Naturale ampliùs obligat, vel potiùs pro circumstantiis mutatæ materiæ, vel sub hujusmodi conditionibus positis, nunquam obligavit: & hinc mutatio dicitur folum impropria vel indirecta. Sic etiam Jus Naturale permittens aliquid non datur pro circumstantiis, in quibus illud prohibetur vel præcipitur à Lege Positiva, Divina vel Humana. Porro ad Jus Naturale non modò pertinent principia & dictamina quædam generalia, uti funt, declina ama-A 3

à malo: fac bonum: quod tibi non vis fieri, alteri ne feceris &c. Sed etiam alia, quæ ex illis in particulari per necessariam consequentiam vel evidenter deducuntur, uti funt, DEUM effe colendum, parentes honorandos, non occidendum, non pejerandum, non furandum, non adulterandum Gr. Adeòque tam præcepta affirmativa, quam

negativa, circa materiam particularem.

Dico 2. Jus Positivum vocatur, quod aliquid ponit ultra ea, quæ Jus Naturale præcipit, vel prohibet, vel permittit: Si DEUS aliquid liberè superaddat, est Positivum Divinum: si homo, est Positivum Humanum. Adeoque Jus Positivum liberâ DEI vel hominum voluntate introdu-Elum est, vi cujus præcipiuntur vel prohibentur non intrinfece & necessario bona aut mala) hæc enim ad Jus Naturale pertinent, & necessario præcipiuntur, quia bona, vel prohibentur, quia mala funt) sed ex libera Legislatoris dispositione; cum potuissent non præcipi, non prohiberi.

Dico 3. Jus Divinum (nempe Positivum; nam Naturale, quamvis etiam sit à DEO, ut Auctore Naturæ cordibus nostris insitum, ordinariè non appellatur Divinum, quamvis revera sit) est, quod à DEO ipso latum, & promulgatum est vel per Moysen & Prophetas in antiquo Testamento, vel à Christo DEO-homine, ejúsque Apostolis, in novo Testamento, sive dein scriptum sive traditum sit. Itaque Jus Divinum est Verbum DEI, & præcepta in utriusque Testamenti tabulis, seu Scripturis Sacris comprehensa, vel per Traditionem Divinam propagata. Vetus Testamentum, quod duravit usque ad Christi

adven-

lteri

par-

evi-

olen-

non

dum

uàm

quid

vel

perè

no,

fiti-

du-

itur

hæc

ariò

quia

tio-

eri.

im;

Au-

ariè

it)

um

Te-

que

cri-

eft

fa-

ifa,

Ve-

Ri

adventum & mortem, complectebatur triplicis generis præcepta. 1. Ceremonialia, quæ præscribebant Modos DEUM colendi, maximè per Sacrificia & multiplicis generis hostias. 2. Judicialia, quæ ordinabant regimen Politicum Reipublicæ Judaicæ, præfertim in ordine ad administrandam justitiam tam in causis Criminalibus, quam in Civilibus. 3. Moralia, nempe Decalogi, & similia; quamvis enim hæc sint Juris Naturalis, & in eo fundentur, tamen ut eorum, vim efficaciùs & clariùs cognoscerent passionibus excæcati mortales, illa specialiter etiam, & sensibili modo promulgare voluit DEUS. Ceremonialia potissimum in Levitico sunt prodita: Judicialia verò in Exodo. Utraque funt abrogata, & exspirârunt per mortem Christi, ut Catholici omnes intelligunt c. 7. Hebr. ibi: translatô sacerdotiô necesse suit, ut etiam legis translatio sieret. Concordat c. 3. de constit. Moralia tamen perseverârunt, utpote Juris Naturalis. nunt Hæretici: Papistæ tenentur observare discrimen ciborum, abstinendo à carnibus die Veneris &c. sicut olim Judæi abstinere debebant à carne suilla: ergo apud Catholicos viget adhuc R. Imprimis Catholici non lex ceremonialis. observant illud discrimen ciborum, quod Judæi, quia non prohibent carnem suillam tantum, & semper, sed omnem carnem at certis tantum die-Dein etsi idem omnino observarent, non tamen observarent ut præceptum ceremoniale antiquæ legis, sed tanquam legem in novo Testamento de novo latam ab Ecclesia.

A 4

Dica

Dico 4. Jus Gentium, proprie dictum, eft, quo Gentes quà tales mutua obligatione, ex consensu tacito vel expresso sibi imposita, consociantur in ordine ad ea, quæ ad communem corum felicitatem & commercium pertinent. Vel breviùs: est jus ab hominibus pro commodo humani commercii inventum. Ad hoc pertinet jus legazionum, vi cujus admittuntur legati, & dimittuntur încolumes : jus Belli ad vindicandam injuriam, vel damnum ab alio populo illatum, vi cujus Bellum debet priùs denuntiari per fecialem, antequam inchoetur: fædera pacis & induciarum, cum rationabiliter petuntur : jus commercià quæstuosi apud exteras & non hostiles nationes &c. Necesse tamen non est, ut omnes simpliciter gentes conspirent, modà aliquæ, magis moratæ, ita consocientur. Et hinc barbaræ gentes, quas nunquam consensisse facta contraria probant, Jure Gentium non obligantur. Sed unde provenit obligatio suris Gentium, cum hæ in fe ipsas jurisdictionem vel potestatem legislativam non habeant, fed fingulæ gentes fint fupremæ Potestates, nec aliis, sea simul seu seorsim fumptis, subjectæ ! n. Ex illo principio Juris Nauralis: fides data est servanda: fidem autem Gentes dederunt abi mutuò, dum convenerunt vel expressis verbis in quædam mutua commercia, vel tacitè moribus. aut usu constanti, quo modo posteriori plerumque sit, & promulgatur. hoc differt à Jure Naturali. 1. Quia ortum habet à libera gentium plurium voluntate, non à DEO ut conditore naturæ humanæ. 2. Quia non obligat Gentes, nisi quæ illud receperunt vel vohinift.

OII-

10=

um

Vi

ani

33.

un

n,

el-

e-

n,

CIR

GS

li-

3-

Sa

).

æ

1-

-

n

luntate expressa, vel tacita per usum & consuetudinem declarata. 3. Quia, quæ præcipit vel prohibet, non sunt intrinsecè ac essentialiter honesta aut inhonesta, sed contingenter tantum &c. Dixi, Jus Gentium proprie dictum; aliqua enim dicuntur in communi usu esse Juris Gentium, quod propriè tale non est, quia citra ullam obligationem recepta funt apud & inter Gentes vel omnes, vel complures faltem, uti usus panis pro cibo, constructio ædium munitio civitatum, rerum divisio seu dominiorum distinctio, contra-Aus non pauci, uti emptio-venditio, locatioconductio, & plerique modi acquirendi, quæ, ficut pro fine non habent communem Gentium inter se felicitatem, ita nec mutuam inter illas obligationem inducunt, fine qua, tanquam neceffario effectu, tamen nulla datur lex seu Jus propriè dictum.

Dico S. Jus Civile in f. 1. Inft. de I. N. G. 6 & C. dicitur esse, quod quisque Populus vel Civitas sibi proprium constituit. Per antonomasiam, & ex recepto usu, per illud intelligitur Jus Romanorum. Fundatur proxime in voluntate Legislatoris humani, remotè autem in illo principio naturali : Legislatori juste imperanti parendum eft. Respicit tantum unius Reipublicæ bonum, & particularis communitatis felicitatem: per quod differt à Jure Gentium. Dividitur in Commune, quod apud nos hodie est Romanum, vel potius Romano-Germanicum, atque obligat omnes Imperii Romano-Germanici provincias, urbes, & populos. Et in Particulare, seu Statutarium, quod est vel Provinciale, Landts Necht/ AS

Recht/ vel Municipale, Stadt-oder Burgers Recht/ eòquòd tantum unius provinciæ vel Civitatis Imperialis subditos adstringat, uti Jus Bavaricum, Saxonicum, Lubecense. Jus Romanum commune pro diversitate Conditorum fortiebatur varia nomina, & modò Lex, modò Plebiscitum, modò Senatus consultum, modò Responsa Prudentum, modô Edictum Pratoris, modò Placitum Principis, vel Constitutio appellabatur; quamvis hodie communi usu omnes hæ ordinationes promiscuè vocari soleant leges. Et quia Populus hodie non ampliùs habet potestatem leges ferendi, sic describi potest Jus Civile: est Jus Positivum, authoritate Principis, vel Magistratûs Sæcularis conditum, ad Politicam Reipublicæ Civilis gubernationem, pacem, ac felicitatem temporalem civium confervandam & promovendam immediate ordinatum. Libri, in quibus continetur Jus Civile commune, vocantur.

Corpus Juris Civilis, quod complectitur quatuor volumina. I. Institutiones. 2. Digesta.

3. Codicem. 4. Authenticum seu Novellas.
Quibus additur Feudum, seu duo libri Feudorum. Institutiones (vel Instituta) sunt quasi quoddam compendium legum, prima elementa Scientiæ Legalis exhibens, authoritate Justiniani Imperatoris senioris, qui antonamasticè Imperator salutatur à Juris-peritis, ex Digestis & Codicè Justinianeo antiquo, alisque antiquioribus Constitutionibus collectum, ac in quatuor libros, certis titulis & paragraphis distinctos, divisum. Quando citatio sit ex Institutionibus, primo loco ponitur s. deinde titulus, in hunc mo-

dum.

dum. J. inter eas. Institutis. de nuptiis. vel loco initii J. ponitur numerus. v.g. J. 2. inst. de nuptiis. vel ponitur & initium & numerus, sic: J. inter eas 2. inst. de nuptiis. Siquid allegetur, quod habetur initio tituli ante J. ponitur pr. quod denotat principium. v.g. pr. inst. de nuptiis. Institutiones nonnunquam exprimuntur per unicam litteram I. vel S.

Digefta, Græce Pandecta, vocantur, quia Imperator omnia veterum Jurisconfultorum Responsa, quibus auctoritatem Juris tribuit, in 50. libros digessit, in tria volumina dispertitos. I. Vocatur Digeftum vetus, constans 24. libris. 2. Digestum Infortiatum, forte sic dictum, quia continet Leges de Testamentis & ultimis voluntatibus, quæ sunt fortissimæ, vel quia versatur circa fortuitas successiones: complectitur 14. libros. 3. Digestum Novum, quod absolvitur I 2. libris. Hi libri habent plurestitulos, tituli leges, & leges longiores firb seff. Quando citantur Digesta, formatur duplex ff. vel majuscula littera D. vel Græca littera 7. primo loco allegatur lex per litteram I. deinde initium, vel numerus, vel initium & numerus fimul legis, subinde etiam f. si lex sit longior, tum additur ff. demum titulus libri seu Rubrica, hoc modo: l. Juris Gentium 7. J. ait Prator 7. ff. de Pactis. vel: 1.7. S. 7. ff. de Pactis. vel 1. Juris gentium. J. ait Prator. ff. de Pactis. Subinde post §. si longior sit, additur V. h. e. verbum, ubi res habetur, v.g. l.7. J. 6. v. Sed cum ff. de Pactis.

Codex modernus, & Justinianeus, quem ex triplici Codice antiquiori, Gregoriano, Hermogeni-

ra

71-

a-

m

24

2-

a

Ò

1-

e

geniano, & Theodosiano concinnavit Justinianus, quædam ex illis expungens, alias autem & suas & antecessorum leges inserens, complectitur 12. libros. Modus citandi ferè est idem, qui in Digestis, nisi quòd loco ff. ponatur C. vel Cod. & quòd subinde Codex per majus C. statim allegetur primo loco, Speciale est, quòd, si lex aliquain lib. X. XI. & XII. comprehensa citatur, addi soleat numerus libri, hac ratione: 1.1. C. de Jure Fisci lib. 10. Cœterum quasdam Novellas (nempe Constitutiones Imperatorias) in epitomen redactas quibusdam titulis Codicis inferuit Irnerius, quæ appellantur Authentica, & fic citantur: Auth. bona damnatorum C. de bonis profcriptorum. vel sic: l. generaliter C. de Episc. & Cleric. auth. Hæ authenticæ in tantum obtinent vim Juris, in quantum cum suo fonte consonant.

Authenticum (alio nomine Novella) continet novem Authenticas Collationes, quæ distinguuntur in titulos & capita, quandoque etiam in II. Vocantur hæ constitutiones Novella, vel Jus Novissimum, quia eas fecit Justinianus post Codicem suum editum. Modus allegandi est hujusmodi: Nov. (vel N.) 118. c. 2. v. si autem. Vel: cap. si igitur 2. v. si autem Nov. 118. vel: Nov. 118. de haredib. ab intestato. Vel: in Authentico de haredib. ab intest cap. si igitur collat. 9. Vel: authentica de haredib. ab intest. collat. 9. tit. 1. c. 2. Notandum tamen, quòd, quando citantur authentica, plerumque non intelligantur istæ, fed aliæ, quas diximus Codici esse insertas ab Irnerio: istæ sub nomine Novell, allegari solent, quæ funt numerô 168.

Feu-

Fendum, seu liber (vel potiùs duo libri fendorum) comprehendit consuetudines feudales, partim ex observationibus, quas initio collegerunt fine ordine duo Consules Mediolanenses, Gerardus Niger, & Obertus de Orto, partim ex Constitutionibus quibusdam Imperatorum, Conradi II. Henrici II. Lotharii III. Friderici I. depromptas. Dividuntur hi libri in titulos, isti in capitula (alii vocant capita) hæcrursus in SS. Quando citantur, ponuntur initiò libri feudorum per unum F. vel duplex FF. majus, vel vocem Fend. quamvis subinde etiam priùs cap. exprimatur, vel etiam Feud. vel F. omnino omittatur, expresso tamen titulô, in hunc modum: F. 1. tit. 8. cap. 2. vel: 1. FF. tit. 8. cap. 2. vel: cap. 2. de successione feudi. S. in alio. vel: cap. filia. S. in alio. de successone feudi. vel: c. 2. de successione feudi in usibus feudorum (aut consuetudinibus feudorum.) Post hos duos libros subjungitur alius, qui vocatur quintus de feudis: qui omnes obtinent vim Juris, exceptis textibus, qui post libri II. titulum 58. usque ad librum V. exstant, quia adjecti sunt à Cujacio & aliis Iurisconfultis Papiensibus, Juris condendi potestate destitutis, nisi & his authoritatem tribuat usus & consuetudo.

Præter recitata Juris Civilis volumina dantur adhuc aliæ Constitutiones, vim Juris obtinentes in Imperio Romano-Germanico, in ordinario Corpore Juris non clausæ, un 1. Bulla Aurea, per B. A. citari solita. 2. Capitulatio Cæsarea. 3. Pax Prosana. 4. Pax Religiosa, nempe Pacificatio Passaviensis de anno

115,

las

ur

in

d.

C-

li-

d-

le

25

)~

1

-

1552. firmata Augustæ anno 1555. & extensa per Instrumentum Pacis Osnaburgensis, quod per P. O. exprimi solet, anno 1648. in qua certarum Sectarum, nempe initiò Lutheranæ, postmodum & Calvinianæ, liberosam exercitium in Imperio permissum est præter Religionem Catholicam. 5. Ordinatio Judicii Cameræ Imperialis. 6. Ordinatio Judicii Aulico-Imperialis. 7. Nemesis, seu Ordinatio Criminalis Carolina, vulgò die Peinsiche Hals Gerichtse Ordinato Caroli V. 8. Recessus Imperii, per initiales litteras majusculas R. J. denotari soliti, quos etiam Constitutiones Imperii nominant.

Dico 6. Jus Canonicum, à Græca voce κανών, Latine, regulam denotante, appellatum, quia continet regulas ab Ecclesia propositas ad Christiani populi actiones in ordine ad felicita. tem supernaturalem dirigendas, sic describi potest: est Jus Positivum à Summis Pontificibus, Ecclesiæ Catholicæ nomine traditum, vel constitutum, vel approbatum, quo actiones & mores Christianorum ad cultum Divinum, ad ordinem politicum in statu Ecclesiastico, ad pacem & justitiam in populo fideli conservandam & augendam, ultimatò autem ad finem supernaturalem æternæ beatitudinis diriguntur. Unde differt à Jure Civili ex parte causæ efficientis, quæ est Summus Pontifex, Christi in terris Vicarius; ex parte subjecti, seu illorum, qui Jure Canonico obligantur, qui funt omnes omnino Christiani per totum Orbem diffusi, quousque nulla potestas Sæcularis per suas leges se potest extendere;

atque

ten-

lod

qua

næ,

rci-

em

Im-

pe-

alis

tse

per

iti,

ce

la-

tas

ta•

0-

IS,

ti-

es

m

ll-

11-

m

à

ft

X

0

ni

1

atque ex parte finis, qui est homines dirigere ad DEUM per fidem & pia opera, ad honestè vivendum fecum ipfo, justè cum proximo, ac ultimatò ad beatitudinem animæ supernaturalem & æternam consequendam. Ex quo præstantissimo fine elucet eminens præstantia, utilitas, ac necessitas Juris Canonici, quod etiam appellatur Pontificium, Ecclesiasticum, Sacrum. cum ex fine suo principali & immediato dirigat actiones fidelium ad rectè piè & justè vivendum, patet, quòd Habitus Canonicus sit directivus, consequenter practicus, actiones verò fidelium, quas immediate dirigit, sint ejus objectum materiale immediatum & principale, eò quòd actus eliciti Juris Canonici fint Regulæ, Canones, leges, præcepta. Unde melius vocatur Prudentia, quæ est species virtutis intellectualis practica, sicuti Ars, vel potius Jurisprudentia, quam Scientia, cum non tam cognitionem vel demonstrationem veritatis per suos actus intendat, quam directionem morum & actionum humanarum.

Dico 7. Jus Canonicum in Corpore Juris, prout defacto circumfertur, clausum continet sex volumina. 1. Decretum Gratiani. 2. Quinque libros Decretalium Gregorii Papæ IX. 3. Sextum Decretalium Bonifacii VIII. 4. Clementinas constitutiones Clementis V. 5. Extravagantes Joannis XXII. 6. Extravagantes Communes. Dixi, prout defacto circumfertur; nam antehac solum GratianiDecretum erat in Corpore Juris Canonici, exclusis etiam Decretalibus Gregorii IX. & ideo, quando eorum siebat citatio, addebatur vox extra, vel ejus loco littera X. x. ut indicaretur, titulum

8

& capitulum citatum non in Decreto reperiri, sed extra illud. v. g. c. dilectus 19. extra de Prabendis. quod & hodie, sed rarò, à quibusdam observatur: sicut, quando fit citatio ex sexto Decretalium, addi folet ac debet in 6. v. g. c. licet de fe-

pulturis in 6. h. e. in sexto.

Decretum, quod Gratianus, Monachus Bononiensis Ord. S. Benedicti, circa annum II (I. ex SS. Litteris, SS. Patrum fententiis, Summorum Pontificum variis Responsis, & Conciliorum tum Generalium tum Particularium decretis, quin & ex Juris Civilis quibusdam textibus, collegit, illúdque, quia ad conciliandos textus in speciem contrarios fuam quandoque fententiam adjecit, Concordiam discordantium Canonum appellavit, dividitur in tres Partes. Prima complectitur 101. distinctiones, divisas in canones, vel, ut à quibusdam vocantur, capitula, atque sic citari solent: can. Aus Gentium 9. D. 1. vel can. 9. D. 1. vel D. 1. can. Jus gentium 9. vel Dift. 1. c. 9. vel c. 9. dift. 1. Secunda pars continet 36. causas, seu casus controversos, quarum ferè singulæ habent plures quastiones, ista autem canones, quos iterum aliqui vocant capitula. Citantur sic. can. si justus 30. caus. 1. q. 1. vel c. si justus. 1. q. 1. vel 1. q. 1. can. si justus. J. quia per illum. Nota, vocabulum causa fæpissime non exprimi scriptô, licet pronuntiari debeat: ut autem scias, num cifra indicet numerum causa vel canonis, attendere debes, utrum statim sequatur littera q. seu quastio; si enim sequitur q. præcedens cifra, etiam folitariè posita, significat quotam causa, non canonis. v. g. 2. q. 3. s. Euphemium. Rursus nota, causa 33. quæfliaed

en-

er.

la

180

0=

ex

m

m

82

d-

na.

120

li-

I.

Sa

120

10

16

es

11

20

2.

a

2.0

n

0

4

stionem tertiam subdividi in septem distinctiones. de Panitentia tractantes, quæ sic allegantur: can. homicidiorum 24. d. 1. de Pænit. vel c. homicidiorum. dist. 1. de Pænit. vel de Pænit. d. 1. c. homicidiorum. Tertia pars inscribitur de Consecratione, & habet s. distinctiones, divisas in canones, quos iterum aliqui appellant capitula. Modus citandi est hujusmodi : can. Filius DEI 8. dift. 4. de Consecrat. vel can. filius DEI d. 4. de Consecratione. vel de consecr. d. 4. c. 8. In fine Decreti recensentur Canones Panitentiales numero 47. in quibus pro gravioribus criminibus publicis statuitur certum tempus & modus agendi pænitentiam: fed horum Canonum rigor hoc tempore antiquazus & ferè abolitus est. Sequuntur postea Canones Apostolorum, sic dicti, quia ab ipsis Apo-Rolis traditi funt : eos collegit S. Clemens Pontifex Romanus, D. Petri discipulus. In Corpore Furis nostri recensentur 84. quamvis Baronius recenseat tantum 52. tanquam Authenticos cum Turriano (qui integrum de iis librum conscripsit) & ingens opinionum varietas circa illorum numerum reperiatur apud Auctores. Aliqui abierunt in desuetudinem, ut canon 36. ubi jubetur, ut bis in anno celebretur Episcoporum Synodus: nec enim faciunt Jus Divinum, sed solum Ecclesiasticum, utpote ab Apostolis solum ut Ecclesiæ Prælatis conditi.

Decretales (intellige epistola variorum Pontificum, ad propositas sibi quastiones respondenrium) justu & auctoritate Gregorii IX. per S. Ray. mundum de Penniasort Ord. S. Dominici, Panitentiarium ejusdem Pontificis, collecta & vulgata

Pars I.

B

an-

anno 1230. constant ex f. libris, divisis in Titulos, qui ordinarie sub Rubrica, quæ præmittitur, habent plura capitula. Et hi libri explicantur in scholis tanquam Jus Ecclesiasticum Universale, in Foro & Judiciis observandum. Citari solent hoc mc do : c. super litteris 20. X. vel : c. 20. de Rescriptis. vel: c, super litteris de Rescr. In libro I. post generalia principia Juris agitur præcipuè de modo constituendi Prælatos, & ordinandi personas Ecclesiasticas, ipsumque Judicem Ecclesiasticum: in II. Processu Judiciali: in III. de Clericorum tum Sæcularium tum Regularium vita, rebus, obligationibus: in IV. de Sponsalibus & Matrimonio: in V. de Delictis, eorumque Pænis. Quæ omnia in dials V. libris Decretalium comprehenfa exprimere solent unico hoc versu: Judex: Judicium: Clerus: Sponsalia: Crimen.

Sextus Decretalium, ita appellatus, quod quinque libris Gregorii IX. tanquam complementum additus sit à Bonifacio VIII. circa annum 1300. collectus fuit ex Summorum Pontificum, Grego. rio IX. posteriorum, Rescriptis & Constitutionibus, item ex duorum Conciliorum Generalium Lugdunensium Decretis: complectitur pariter f. libros, qui rurfus dividuntur in Titulos (eosdem quidem, quos habent s. libri Decretalium Gregorii IX. at non omnes, cum plures fint omissi) isti autem in capitula: unde & eadem-hic citandi rano observatur, additis tamen in fine vocibus in sexto, seu in 6. nimirum sic : ut quis 25. de Elections in 6. vel: cap. un. de Bigamis in 6. Si verò priùs ex libris Gregor. IX. fuit aliquid citatum, & quidem ex codem titulo, v. g. de Electione, non am-

pliùs

C

q

n

1

6

pliùs reperitur titulus, sed ponitur illius loco vox eodem. v. g. c. 25. eod. in 6. Id quod etiam observatur, quando priùs suit aliquid citatum ex Jure Civili, postea ex Jure Canonico, vel vicissim, quando utrumque Jus habet titulos ejusdem rationis. v. g. l. 19. seqq. sf. de Procuratorib. c. 2. eod. in 6.

itu-

ur,

in

in

100

ost

do

Ec-

11

ım

38-

0:

ia

ri=

12 0

n-

ITA

04

I-

n

5.

n

74

1 a

8

Clementina (constitutiones) auctorem habent Clementem V. qui eas vel ante-vel in-vel post Concilium generale Viennense in Galliis anno 1310. celebratum à se latas compilari justit, sed morte præventus non vulgavit: publicavit tamen ejus Successor Joannes XXII. Avenione residens anno 1317. Constant itidem s. libris, iisdem titulis, licèt paucioribus, qui rursus dividuntur in capitula. Citantur hoc modo: Clem. un. (unica) de renunt. vel: Clem. cum illusio de renunt. vel: c. un. de renunt. in Clementinis. vel: de renunt. cum illusio in Clement.

Extravagantes Ioannis XXII. sic appellatæ, quia diu extra Corpus Juris, quasi incerta sede vagabantur, & à dicto Joanne sunt editæ numerô viginti, habent iterum s. libros, distributos in eosdem titulos, sed valde paucos, & in capitula, more Clementinarum, Decretales imitantium. in quarum modum etiam citantur, nempe sic: Extravag. Ioan. XXII. 3. de V. S. (h. e. de verborum significatione) vel Extrav. ad conditorem 3. Io. XXII. de V. S. vel: c. ad conditorem de V. S. in Extravagant. Io. XXII. Pro voce Extravag. subinde ponitur syllaba ex. vel littera X.

Extravagantes Communes, sic nominatæ, quia pluribus Pontificibus editæ, adeóque pluribus

B 2

com-

communes sunt, & diu extra Corpus Juris vaga tæ; habent itidem s. libros, & communes cum Decretalibus titulos, licèt pauciores. Citari so lent sicut Extravagantes Joan. XXII. cum hoc so lo discrimine, quod loco Joannis XXII. addatur commun. vel inter communes. vel in commun. v. g. extrav. ambitiosa int. commun. de reb. Eccles. non alien. vel: c. ambitiosa, int. extrav. comm. de reb. Eccl. non alien. vel: in extrav. comm. ambitiosa de rebus Eccl. non alien. ecc.

Atque ex his Partibus constat hodie Corpus 716 ris Canonici; nam Liber VII. (septimus) Decretalium constans ex Constitutionibus posteriorum Pontificum, à Petro Mathæo J. C. Lugdunensi collectus, licet Corpori Juris sit infertus, pars tamen Juris Canonici non est, nec vim Juris Canonici obtinet, cum ista collectio non sit facta alicujus Pontifițis auctoritate, fed folum illam habent vim, quam independenter ab ista collectione obtinent, sicut Bullæ, quæ continentur in Bullario, de quo postea. Pariter Pars Juris Canonici non funt Institutiones Juris Canonici à Lancelloto I. C. conscriptæ, & Corpori Juris adjici solitæ. Idem judicium est de Glossa, & Notis, quæ reperiuntur in Corpore Juris Glossato, vel Notis illustrato. Glossa, quæ est uberior textuum explicatio in margine apposita, facta est ab Accursio I. C. Notæ autem adjectæ à Dionysio Gothofredo J. C. quando in textu vel Glossa occurrit littera I. fignificat infrà, quando littera S. fingnificat suprà, quando littera C. fignificat contrà. Glossa fundat quidem magnam auctoritatem & probabilitatem, ita ut cujuslibet alterius Doctoris opinioni

Prolegomena.

7aga

cum

ri fo

c fo

atur

V. g.

non

reb.

æde

Fu-

cre-

rum

ta-

110-

CH-

ent

ob-

10,

101

)].

tæ.

pe-

llu-

ca-

C

do

I I.

ràs

lat

ta-

ni

21

præferenda sit, cedit tamen plurium Doctorum consensui, vel etiam unius Doctoris opinioni, si hæc meliori nitatur Juris fundamento, ubi adversatur Glossæ.

Extra Corpus Juris Canonici dantur adhuc & aliæ sanctiones Canonicæ, nimirum I. liber Concilii Tridentini. 2. Bullarium Magnum, uti & aliæ Bullæ, quæ itentidem à Summis Pontificibus eduntur. 3. Regulæ Cancellario Apostolicæ.

4. Declarationes Cardinalium. 5. Decisiones Rotæ Romanæ. Quæ quantam habeant authoritatem, declarandum quoque est, priùs tamen de iis, quæ exstant in Corpore Juris tanquam partes illins.

Dico 7. Decretum Gratiani per se non habet auctoritatem legalem, seu vim Juris decisivi in Foro & Scholis; quamvis in eo contentaretineant vim illam, quam habent fontes, ex quibus desumpta sunt; quia Compilator Gratianus, utpote vir privatus, carnit potestate legis condendæ, nec ejus operi authoritatem legalem ullus Pontificum attribuit. Illud tamen jussu Gregorii XIII. ab erroribus ita purgatum est, ut Canones in Gratiani Decreto contenti censeantur esse conformes fontibus, feu scriptis originalibus, ex quibus collecti Unde sitextus, in dicto Decreto repertus, ex SS. litteris sit desumptus, habet auctoritatem Divinam: si ex Conciliis Generalibus, vel particularibus quidem, specialiter tamen approbatis à Pontifice aliquo, vel ex Decretis Summorum Pontisicum, vim legis Ecclesiasticæ: si ex SS. Patribus, majorem quidem probabilitatem, quara aliorum Doctorum sententiæ, non tamen vir legis B 3

legis, quia SS. PP. in materia disputabili censentur esse instar Doctorum privatorum: si ex Constitutionibus Imperatorum, vel Jure Civili, tune obtinent vim juris in soro etiam Ecclesiassico, quando supplet desectum Juris Canonici, nec immunitati Ecclesiassicæ contrarium statuit, nihilque determinat circa res & personas Ecclesiassicas, vel quando approbatur ab Ecclesia, aut communi usu: si Gratianus de suo aliquid addit, propriam dicendo sententiam, facit probabilitatem, sicut judicium alterius viri periti.

ris Canonici comprehensa, nempe s. Decretales, sextus Decretalium, Clementinæ, Extravagantes Joan. XXII. & Extravagantes communes,
imò singuli illorum textus decisivi pollent authoritate legali, nisi vim Juris amiserint per consuetudinem contrariam, vel per constitutionem recentiorem. Ratio; quia hæc volumina (& singuli eorum textus decisivi) à Legislatore Ecclesiastico edita, vel approbata sunt in vim Juris, ac
per modum legum ad dirigendas actiones Christi-

Quæres, quid sit Rubrica, & cujus auctoritatis? R. I. Rubrica sic dicta, quia, olim saltem,
rubris exprimi solebat litteris, est duplex, una
titulorum, alia canonum & capitulorum. Neutra
inDecreto Gratiani habet vim Juris, quia auctorem non habent Summum Pontisicem, imò
nec Gratianum, sed alium ignotum, potestate legislativa destitutum. R. 2. Rubrica titulorum (seu
ipsi tituli) in aliis Juris Canonici voluminibus, si
contineat sensum seu orationem persectam, v. g.

fen-

Con-

ico.

im-

ihílasti-

OIII-

pro-

em,

Fa

eta-

ava-

nes,

ha-

fire-

TC-

fin-

ac isti-

ita-

em,

ına

tra

au-

mò le-

Ceu

fi

g.

hæc, ut Ecclesiastica Beneficia sine diminutione conferantur, obtinet authoritatem legalem: non verò, si orationem perfectam non contineat, utì hæ : de constitutionibus : de consuetudine : de postulando &c. licet & istæ in dubio habeant magnam auctoritatem interpretativam & declarativam. v.g. ex eo, quòd c. cum Monasterium de Elect. ponatur in titulo de Electione, non de Postulatione, recte infertur, quod in casu dicti capituli fuerit celebrata Electio, non Postulatio. Gloss. in d. c. v. postulantis. Et hine dicitur rubrum explieare nigrum. R. 3. Rubricæ Capitulorum, quæ continent summam brevem materiæ in textu subjecto comprehensæ, atque ideo etiam Summarium vel Summaria appellantur, vim Juris non fortiuntur, nisi in quantum concordant cum textu subsequenti, adeóque doctrinales tantummodo funt, quia additæ sunt non à Pontificibus Legislativam potestatem habentibus, sed à variis Doctoribus, utl Abbate Panarmitano, Joanne Andrez &c. pro majori legentium commoditate.

Dico 9. Concilium Tridentinum, quod anno II
1545. inchootum, & 1563. finitum, complures
Fidei articulos contra Lutheranos & Calvinistas
definivit, simúlque plurima ac saluberrima fecit
morum decreta. Quoad articulos Fidei definitos
est infallibilis auctoritatis, & ab omnibus Christianis ubique recipi, atque constanter retineri debet, utpote congregatum, directum, & approbatum à Papa, infallibili in rebus Fidei Doctore;
quoad Decreta morum & reformationes autem
pollet auctoritate Legali, & Jus Novissimum ac
universale constituit, ubicunque promulgatum,

B 4

vel

vel contraria confuetudine aut privilegio Apostolicô derogatum ei non est; cùm in Ecclesia DEI non sit major potestas legislativa, quam Concilium Generale suo Capiti, Romano Pontifici, unitum. Et hæc intelligenda quoque veniunt de aliis Conciliis Generalibus Legitimis, qualia o Etodecim à Concilio Nicœno I. usque ad Tridentinum celebrata sunt, & à me recensita in Cursu Theologia Polemica, quem in aliis quoque materiis, Juri Canonico affinibus, utiliter inspicies propter Hæreticos, quibus circumdamur, Aliud est de Conciliis Particularibus, nempe unius tantum Nationis, Provinciæ, vel Diœcesis; hæc enim, præterquam quòd nullos Fidei articulos definire valeant, leges & decreta morum ac statuta non pro universali Ecclesia, sed solum pro certa natione, provincia, diecesi condere possunt, nisi à Pontifice approbata & recepta fuerint pro tota Ecclesia: sicà Leone IV. can. 1. dift. 20. recepta & approbata funt Ancyranum, Neo-Cæfareenfe, Gangrenfe, Antiochenum, Laodicense, & quædam alia. Cæterum Concilia Generalia Legitima sunt, que congregantur authoritate Summi Pontificis, convocatis omnibus Christiani Orbis Episcopis (licèt non omnibus comparentibus) quibus præsidet Papa vel per se, vel per suos Legatos. Unde & Oecumenica, quasi Orbis terræ Concilia, dicuntur, aut Plenaria. Econtra Particularia funt, celebrantur convocatis solum certi districtus Episcopis aut Clericis. Quando à Papa, vel Patriarcha seu Primate aliquo, convocantur integræ Nation pis vel Regni Episcopi, dicuntur Nationalia: quando ab Arhiepiscopo convocantur sui Episcopi suffraganei, Abbates, & Clerici totius Provinciae, Provincialia: & quando ab Episcopo convocantur Abbates & Clerici suæ diæcesis, Diæce-

sana vel Episcopalia.

Offor

DEI

ncilia

uni-

aliis

ecim

ele-

ogia

Ca

ere.

HCI4

nis,

lam

ges

fali

cia,

ba-

one

An-

he-

ùm

re-

tis

OIL

pa

the

I'a

e-

0-

12

94

1:

Dico 10. Declarationes S. Congregationis Car- 12 dinalium, qui nempe constituti sunt à Papa Interpretes Concilii Tridentini quoad decreta morum, ademptâ omnibus aliis facultate Glossas, annotationes, commentarios, & quodvis interpretationis genus in præfatum Concilium edendi, probabiliùs tunc faciunt Jus universale (aliàs certè non) si sint comprehensiva, h. e. comprehendantur in verbis Concilii, seu si sint secundum propriam & communi usu receptam verborum significationem, atque eam folummodo declarent, non extendant, ac insuper Papa priùs consulto, hujúsque expresso in litteris nomine datæ fint, uti flatuit Sixtus V. & Gregor, XIV. Card. de Luca in Annot. ad Conc. Trid. disc. 1. n. 17. Notat autem Pellizar. Man.tr. 4.n. 108. ex Salas, quòd Cardinales rarò confulant Pontificem. Requiritur præterea. ut producantur in forma Authentica, h.e. ut sigillô S. Congregationis Cardinalium mus nitæ, & à Cardinale Præsecto, ac Secretario subscriptæ sint, ut ordinavit Urbanus VIII. anno 1631. Card. de Luc. lo. cit. Pelliz. lo. cit. proin habeant has tres conditiones, funt declarationes authenticæ, & vim Juris obtinent, faltem si dentur generaliter & fine restrictione tacita vel expressa ad certum locum; quia censentur esse datæ ab ipfo Pontifice: id quod confirmat quoque Praxis, præfertim Rotæ Romanæ, dictas declarationes reverenter & absque ambiguitate recipi=

cipientis, & merità, quia, si sint comprehensive; censentur esse ipsum Jus Tridentini, jam antecedenter conditum & promulgatum debitè, ad quod retrotrahuntur etiam quoad casus præteritos, arg. Nov. 145. inf. non verò Jus Novum. Idem ferè dicendum est de aliarum Congregationum Romanarum, uti Congregationis super negotiis Episcoporum & Regularium, Congregationis Rituum, Congregationis de Judice librorum prohibitorum, Congregationis de propaganda Fide, Congregationis S. Officii Inquisitionis contra Hæreticam pravitatem &c. declarationibus, quòd nempe tunc tantum fortiautur vim Juris, quando explicant Jus Commune, nempe si habeant tres prædictas conditiones. Cœterum Sanch. Salas. Fagnan, alii DD, apud & cum P. Schmalzgrueber in dissertat. prowm. n. 386. observant, haud ægre deferri dictarum Congregationum declarationibus, licet sigillo & subscriptione debita munitæ non producantur, modò referantur à probatis Do-Storibus, & aliunde non reddantur suspectæ, v.g. quòd à Jure Communi, proprietate verborum, vel recta ratione recedant; tunc enim in praxi ab iis non facile recedendum effe ajunt,

pellatæ, vel quòd magna earum pars concernat expeditionem litterarum Apostolicarum, quæ sit in Cancellaria Papali, vel quòd in Cancellaria Apostolica publicentur, vim Juris universalis non obtinent quoad ea, quæ spectant ad expeditionem litterarum in Cancellaria faciendam, sed solos Cancellariæ Officiales ligant: bene tamen quoad illa, quæ generaliter statuuat, v.g. dere-

fer-

Tervationibus & refignationibus Beneficiorum, de dispensationibus & Indulgentiis impetrandis, de triennali & annali possessore beneficii &c. etiam observandæin Judicio, modò producantur impetratæ à S. R. E. Vice-Cancellario sub plumbo. Chokier in earundem Regular. Rubr. n. 22. 23. Id præterea speciale habent hæ Regulæ, quòd in morte Summi Pontificis exspirent, ac Sede Papali vacante nullam retineant vim, donec à Successore iterum resuscitentur & re assumantur vel omnes, vel aliquæ tantum, vel etiam quibusdam additis, ad libitum recens electi Pontificis, qui altero mox ab electione die eas instaurare solet. Neque extra Curiam Romanam promulgari folent, sicut aliæ Leges; imò effectum nullitatis actus in contrarium gesti sortiuntur etiam ante hanc publicationem. Initium sumpsisse dicuntur circa tempora Joannis XXII.

Dico 12. Decisiones Rota, quæ nihil est aliud 14 quam Tribunal Romani Pontificis ad decidendas causas ligitiosas ordinatum, constans ex 12. Prælatis, partim Italis & Hifpanis, partim Gallis & Germanis, iîsque in Jure versatissimis, qui vocantur Auditores Rota, eò quòd in orbem sedentes audiant controversias ad se delatas, examinent, & dirimant, faciunt quidem jus inter Partes litigantes, ficut aliæ sententiæ Judiciales, non tamen inter alios, vel Jus universale; quia huic tribunali non reperitur concessa potestas Legem vel Jus novum condendi. Ferè sicut decisiones Cameræ Imperialis non faciunt Jus, nisi inter Partes litigantes, licet majoris cenfeantur effe auctoritatis, quam inferiorum Tribunalium, &, fi plures exftant

VE.

ece-

lod

OS,

em

um

tus

Ri-

hin

le,

æ.

òd

do

CS

5 9

er

rè

71-

381

Q-

g.

1,

ib

34

35

it

2

n

100

stant uniformes super eadem quæstione, indicant consuetudinem & stylum Curiæ, cui & alii Judices non immerito se conformant, uti & Doctores.

15 Dico 13. Bullarium, ut vocant, Magnum, quod auspicio Sixti V. primitus vulgatum à Laërtio Cherubino JC. Romano, & postea ab ejus filio Angelo Maria Cherubino continuatum & augmentatum, diversas Romanorum Pontificum Bullas & constitutiones extravagantes complectitur, majori auctoritate præditum non est, quanz Bullæ, in Bullarium non relatæ, utpote à nullo Pontificum in vim Juris approbatum. Sed quam auctoritatem debemus tribuere Bullis extravagantibus in Bullario non contentis, & post illius vulgationem hine indè editis, & quæ hodiedum adhuc emanant? Resp. Si de illis certò constet, & fint promulgatæ pro tota Ecclefia debitô modô, faciunt Jus universale: at quia sæpe de iis non certò & legitime constat, an nempe vere & sine subreptione emanaverint, item an suis originalibus concordent exempla, quæ circumferuntur, an pro tota Ecclesia latæ, promulgatæ, & usu receptæ fint, sæpe Juris authoritate destituuntur, & negliguntur. Vid. Card. Tufchus litt. E. conc. 679. n. 1. 2. Cæterum Bulla Pontificia differt à Breve Apostolico per hoc, quòd illa sit scriptura in membrana, plumbo de funibus pendente munita, falutationem cum narratione, & concessionem Papæ &cc. continens: istud verò sit diploma seu rescriptum à Papa (aut Pœnitentiario Magno) emanatum, sitque scriptura modica in parvis concessa negotiis, in papyro frequenter scribi solita,

cera rubra annulóque Pifcatoris figillata, ac agnô Secretarii notata, & fubfcripta.

ant

Idi-

res.

od

tio

lio

au-

1111

Hi-

in

llo

m

111-

Il-

d-

82

â,

1-

1e

i-

111

0-

20

25

1-

-

eZ

Dico 14. Jus Canonicum (non Civile, si hoc 16 discrepat ab illo) in utroque foro, Ecclesiastico & Seculari, observandum est 1. quando agitur de Ecclesiis, personis, vel rebus Ecclesiasticis. per c. 10. de constit. c. 4. de censib. in 6. Ratio est, quia Legislator Sæcularis nullam in his causis habet jurisdictionem, ut ex claris textibus tenent omnes.

2. Quando agitur de rebus spiritualibus, v.g. de Matrimonio & aliis Sacramentis, de beneficiis Ecclesiasticis & Decimis &c. c. 2. de judic. c. 12. de sent. excom. in 6. Ratio est eadem.

3. Quando agitur de peccato. c. sin. de prascript. Ratio; quia, ubi agitur de peccato coram DEO, agitur de resalutem animæ spiritualem concernente.

Dico 15. Quando agitur de materia profana, 17 Clericos, aut animarum falutem non concernente, v. g. de Contractibus, Testamentis, actibus civilibus &c. & Jus Canonicum discrepat à Jure Civili, quodlibet est observandum in suo soro, Canonicum in Ecclesiastico, & territorio temporali Papæ, Civile in Politico & sæculari. arg. can. 6. dist. 96.c. 7. & 13. qui filii sint legit. Ratio est, quia in hujusmodi materiis nec Potestas Sæcularis ab Ecclesiastica, nec ista dependet à sæculari, ac neutra alteri subordinata.

Dico 16. Quando Jus Canonicum in materia 18 profana nihil decernit, vel tantùm dubiè, Jus verò Civile circa illam disponit clarè, sequi oportet Jus Civile in soro etiam Ecclesiastico: & vicissim, quando Jus Civile nihil decernit vel tantùm dubiè, Jus verò Canonicum disponit clarè,

Prolegomena.

30

standum est decisioni Juris Canonici in utroque foro. Ita regulæ instar tradunt Doctores ex c. 1. de N. O, N. ibi : sicut leges non dedignantur Sacros Canones imitari, ita & Sacrorum statuta Canonum Principium constitutionibus adjuvantur. Itaque Jus Civile supplet defectum Juris Canonici, & Jus Canonicum supplet desectum Juris Civilis, quando desunt propriæleges. Dixi, in materia profana: nam si Jus Civile aliquid disponat circa res vel personas Ecclesiasticas, nullius est auctoritatis, nisi ejus leges contineant merum favorem vel privilegium, uti in auth. Item nulla C. de Episc. & Cleric. ubi Ecclesia & Ecclesiastica personæ pronuntiantur exemptæ ab exactionibus & oneribus per sæculares Magistratus imponendis; talis enim favor, nullum onus habens annexum, in concedente non requirit jurisdictionem, sed etiam non subdito concedi potest: vel nisi tales leges Juris Civilis à Jure Canonico vel expresse sint approbatæ, vel Ecclesiæ usu receptæ: sic Jus Canonicum approbavit leges civiles de cognatione legali; Matrimonium dirimente.

Rubr. & c. un. de cognat. legali.



TITU-